

**CYNULLIAD CENEDLAETHOL CYMRU**

**OFFERYNNAU STATUDOL**

**2004 Rhif (Cy. )**

**LANDLORD A THENANT,  
CYMRU**

**Gorchymyn Deddf Cyfunddaliad a  
Diwygio Cyfraith Lesddaliad 2002  
(Cychwyn Rhif 2 ac Arbedion)  
(Cymru) 2004**

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn rhoi grym i ddarpariaethau amrywiol Deddf Cyfunddaliad a Diwygio Cyfraith Lesddaliad 2002 ("Deddf 2002") mewn perthynas â Chymru.

Yn ddarostyngedig i'r arbedion yn Atodlen 2 i'r Gorchymyn, daw'r darpariaethau a grybwyllir yn erthygl 2(a) i (c) i rym ar 30 Mawrth 2004. Maent yn cynnwys:

- hawl newydd i lesdeiliaid hir fflatiau gyd-reoli eu hadeilad yn ddarostyngedig i gydymffurfio â rhai rheolau cymhwyso (adrannau 71 i 113);
- newidiadau i'r diffiniad o daliadau gwasanaethau a'r hawl i herio'r taliadau hynny (adrannau 150 a 155);
- newidiadau i'r darpariaethau sy'n ymnweud â cheisiadau am wybodaeth yswiriant gan y landlord (adran 157);
- yr hawl i herio taliadau eraill o dan brydlesi a thaliadau mewn perthynas â chynlluniau rheoli ystadau (adrannau 158 a 159);
- cymhwyso darpariaethau amrywiol landlord a thenant i dir y Goron (adran 172);
- (dd)ykestyn awdurdodaeth tribiwnlysoedd prisio lesddaliadau a chydgyhoi'r darpariaethau sy'n ymwneud â'u gweithdrefn (adrannau 163 a 173 i 176); ac
- diwygiadau a diddymiadau canlyniadol a wnaed gan Ddeddf 2002 mewn Deddfau eraill.

Yn ddarostyngedig i'r arbedion yn erthygl 2(d), daw adran 151 o Ddeddf 2002 i rym hefyd ar 30 Mawrth 2004. Mae'r adran hon yn darparu ar gyfer gofynion ymgynghori newydd mewn perthynas â thaliadau gwasanaethau.

## **NODYN YNGHYLCH GORCHMYNION CYCHWYN CYNHARACH**

*(Nid yw'r nodyn hwn yn rhan o'r Gorchymyn)*

Mae darpariaethau canlynol Deddf Addysg 2002 wedi'u dwyn i rym mewn perthynas â Chymru trwy Orchymyn Cychwyn a wnaed cyn dyddiad y Gorchymyn hwn:

<i>Y ddarpariaeth</i>	<i>Y Dyddiad Cychwyn</i>	<i>Rhif O.S.</i>
a.74 (yn rhannol)	1 Ionawr 2003	2002/3012 (Cy.284)
a.78 (yn rhannol)		
a.80 (yn rhannol)		
a.84 (yn rhannol)		
a.92 (yn rhannol)		
a.110 (yn rhannol)		
aa.114 i 120		
a.122 (yn rhannol)		
a.125		
a.127 i 147		
aa.151 i 153 (yn rhannol)		
a.156 (yn rhannol)		
a.160 i 162		
a.164 (yn rhannol)		
a.166 (yn rhannol)		
a.167 (yn rhannol)		
a.171 (yn rhannol)		
a.174 (yn rhannol)		
a.180 (yn rhannol)		
Atodlen 12 (yn rhannol)		
Atodlen 14 (yn rhannol)		

## 2004 Rhif. (CY.)

### LANDLORD A THENANT, CYMRU

#### Gorchymyn Deddf Cyfunddaliad a Diwygio Cyfraith Lesddaliad 2002 (Cychwyn Rhif 2 ac Arbedion) (Cymru) 2004

*Wedi'i wneud*

2004

Mae Cynulliad Cenedlaethol Cymru, drwy arfer y pwerau a roddwyd iddo gan adran 181 o Ddeddf Cyfunddaliad a Diwygio Cyfraith Lesddaliad 2002 (1), drwy hyn yn gwneud y Gorchymyn canlynol:

#### Enwi, dehongli a chymhwyso

1.—(1) Enw'r gorchymyn hwn yw Gorchymyn Deddf Cyfunddaliad a Diwygio Lesddaliad 2002 (Cychwyn Rhif 2 ac Arbedion) (Cymru) 2004.

(2) Yn y Gorchymyn hwn —

ystyr “Deddf 1967” (*“the 1967 Act”*) yw Deddf Diwygio Cyfraith Lesddaliad 1967(2);

ystyr “Deddf 1985” (*“the 1985 Act”*) yw Deddf Landlord a Tenant 1985;(3);

ystyr “Deddf 1987” (*“the 1987 Act”*) yw Deddf Landlord a Tenant 1987; (ch);

ystyr “Deddf 1993” (*“the 1993 Act”*) yw Deddf Diwygio Cyfraith Lesddaliad, Tai a Datblygu Trefol 1993(4);

ystyr “Deddf 1996” (*“the 1996 Act”*) yw Deddf Tai 1996(dd);

ystyr “TPP” (*“LVT”*) yw tribiwnlys priso lesddaliadau;

---

(1) 2002.p.15.

(2) 1967 p.88.

(3) 1985 p.70.

(ch) 1987 p.31.

(4) 1993 p.28.

(d4) 1996 p.52.

mae cyfeiriadau at adrannau ac Atodlenni, oni nodir yn wahanol, yn gyfeiriadau at adrannau o Ddeddf Cyfundaliad a Diwygio Cyfraith Lesddaliad 2002 ac Atodlenni iddi; ac

mae unrhyw gyfeiriad at ddiddymiad yn gyfeiriad at ddiddymiad a wneir gan adran 180 ac Atodlen 14.

(3) Mae'r Gorchymyn hwn yn gymwys i Gymru yn unig.

## **Darpariaethau sy'n dod i rym ar 30 Mawrth 2004**

2. Daw darpariaethau canlynol i rym ar 30 Mawrth 2004

- (a) adrannau 71 i 73, 75 i 77, 79, 81 i 83, 85 i 91, 93 i 103, 105 i 109, 111 i 113, 159, 163, 173, Atodlenni 6 a 7;
- (b) adrannau 74, 78, 80, 84, 92, 110, 174 ac Atodlen 12 i'r graddau nad ydynt eisoes mewn grym;
- (c) yn ddarostyngedig i'r arbedion yn Atodlen 2 i'r Gorchymyn hwn —
  - (i) adrannau 148, 149, 150, 155, 157 i'r graddau y mae'n ymwneud â pharagraffau 8 i 13 o Atodlen 10, 158, 175, 176 i'r graddau y mae'n ymwneud â pharagraffau 1 i 15 o Atodlen 13, Atodlen 9, paragraffau 8 i 13 o Atodlen 10, Atodlen 11 a pharagraffau 1 i 15 o Atodlen 13;
  - (ii) is-adrannau (1) i (5) o adran 172 ac eithrio i'r graddau y maent yn ymwneud â chymhwysio i'r Goron adrannau 152 i 154, 164 i 171, paragraffau 1 i 7 o Atodlen 10 a pharagraff 16 o Atodlen 13;
  - (iii) is-adran (6) o adran 172 ac eithrio i'r graddau y mae'r amnewidiadau a wnaed gan yr is-adran honno'n ymwneud ag adrannau 42A a 42B o Ddeddf 1987;
  - (iv) i'r graddau nad yw eisoes mewn grym, adran 180 i'r graddau y mae'n ymwneud â'r diddymadau yn Atodlen 14 a nodir yn Atodlen 1 i'r Gorchymyn hwn;
- (ch) yn ddarostyngedig i is-baragraffau (i) i (vi), adran 151 i'r graddau nad yw eisoes mewn grym —
  - (i) mewn perthynas ag unrhyw achos y mae is-baragraff (ii), (iii), (iv) neu (vi) yn gymwys iddo, ni fydd unrhyw effaith i'r diwygiad a wnaed gan adran 151 a bydd Gorchymyn Taliadau Gwasanaeth (Amcangyfrifon ac Ymgynghori) 1988(5) yn parhau'n gymwys;
  - (ii) mae'r is-baragraff hwn yn gymwys lle mae'r gwaith sydd yn gymwys wedi dechrau cyn 31 Mawrth 2004;

---

(5) O.S. 1988/1285.

- (iii) mae'r is-baragraff hwn yn gymwys lle mae'r landlord wedi rhoi neu arddangos yr hysbysiad angenrheidiol o dan adran 20 o Ddeddf 1985, mewn perthynas â gwaith sydd yn gymwys, cyn 31 Mawrth 2004;
- (iv) mae'r is-baragraff hwn yn gymwys lle, mewn perthynas â gwaith sydd yn gymwys y mae is-baragraff (v) yn gymwys iddo, mae'r landlord wedi rhoi hysbysiad yng Nghyfnodolyn Swyddogol yr Undeb Ewropeaidd yn unol â Rheoliadau Contractau Gweithfeydd Cyhoeddus 1991(6), Rheoliadau Contractau Gwasanaethau Cyhoeddus 1993(7) neu Reoliadau Contractau Cyflenwi Cyhoeddus 1995(8) cyn 31 Mawrth 2004;
- (v) mae'r is-baragraff hwn yn gymwys i waith sydd yn gymwys a wneir o dan gontract —
  - (a) y bwriedir ei wneud ar neu ar ôl 31 Mawrth 2004; ac
  - (b) sydd am gyfnod o ddeuddeg mis neu'n llai;
- (vi) mae'r is-baragraff hwn yn gymwys lle, o dan gytundeb a wneir gan neu ar ran landlord neu uwch landlord, cyn 31 Mawrth 2004, mae gwaith sydd yn gymhwys yn cael ei wneud ar unrhyw amser yn y cyfnod yn dechrau ar y dyddiad hwnnw ac yn dod i ben ddau fis ar ôl y dyddiad hwnnw.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(9)

Dyddiad

Llywydd y Cynulliad Cenedlaethol

---

(6) O.S. 1991/2680, y mae diwygiadau iddo nad ydynt yn gymwys i'r Rheoliadau hyn.  
 (7) O.S. 1993/3228, y mae diwygiadau iddo nad ydynt yn gymwys i'r Gorchymyn hwn.  
 (8) O.S. 1995/201, y mae diwygiadau iddo nad ydynt yn gymwys i'r Gorchymyn hwn.  
 (9) 1998 p.38.

## ATODLEN 1

Erthygl 2(c)(iv)

## DIDDYMIADAU

## RHAN 1

TRIBIWNLYSOEDD PRISIO  
LESDDALIADAU

<i>Teitl byr a phennod</i>	<i>Hyd a lled y diddymiad</i>
Deddf Diwygio Cyfraith Lesddaliad 1967 (p. 88)	Adran 21(1A) a (3) i (4A).
Deddf Tai 1980 (p. 51)	Yn adran 142— is-adran (2), ac yn is-adran (3), y geiriau o'r dechrau i "and". Yn Atodlen 22— Rhan 1, ac yn Rhan 2, paragraff 8(4) i (6).
Deddf Landlord a Tenant, Cymru 1985 (p. 70)	Adrannau 31A i 31C. Yn yr Atodlen, paragraff 8(5).
Deddf Landlord a Tenant 1987 (p.31)	Adran 23(2). Adrannau 24A a 24B. Yn adran 38, yn y nodyn ochr, y geiriau "by the court". Adran 52A Yn adran 53(2), y geiriau "under section 52A(3) or".
Deddf Tribiwnlysoedd ac Ymchwiliadau 1992 (p. 53)	Yn Atodlen 3, paragraff 13.
Deddf Diwygio Cyfraith Lesddaliad, Tai a Datblygu Trefol 1993 (p. 28)	Adran 75(4) a (5) Yn adran 88— yn is-adran (2)(b), y geiriau "constituted for the purposes of that Part of that Act", a

<i>Teitl byr a phennod</i>	<i>Hyd a lled y diddymiad</i>
Deddf Diwygio Cyfraith Lesddaliad, Tai a Datblygu Trefol 1993 <i>Parhâd</i>	is-adrannau (3) i (5) a (7). Yn adran 91— yn is-adran (1), y geiriau o'r dechrau i "this section; and", is-adrannau (3) i (8), is-adran (10), ac yn is-adran (11), y geiriau o "and the reference" i'r diwedd. Yn adran 94, yn is-adran (10), y geiriau o "and references in this subsection" i'r diwedd. Yn adran 101(1), y diffiniad o "rent assessment committee".
Deddf Tai 1996 (p. 52)	Adran 83(3). Adran 86(4) a (5) Adran 119. Yn Atodlen 6, yn Rhan 4, paragraffau 7 ac 8.

## RHAN 2

### DIDDYMIADAU ERAILL

<i>Teitl byr a phennod</i>	<i>Hyd a lled y diddymiad</i>
Deddf Landlord a Tenant, Cymru 1985 (p. 70)	Adran 19(2A) i (3) Yn adran 39, y cofnod sy'n cyfeirio at yr ymadrodd "flat". Yn yr Atodlen— yn y pennawd cyn paragraff 2, y geiriau "Request for", yn y pennawd cyn paragraff 4, y geiriau "Request relating to", yn y pennawd cyn paragraff 5, y geiriau "on request".
Deddf Landlord a	Yn adran 29(2)(a), y

Thenant 1987 (p. 31)	geiriau "repair, maintenance, insurance or". Adran 56(2). Yn Atodlen 2, paragraffau 3 a 7
Deddf Tai 1996 (p.52)	Adran 83(1). Yn Atodlen 9, paragraff 2(3) a (7).



## ARBEDION

### **Landlordiad absennol – tai lesddaliad**

1. Ni chaiff y diwygiadau a wnaed gan adrannau 148 a 149 effaith mewn perthynas â chais am ryddfrenio a wneir o dan adran 27 o Ddeddf 1967 cyn 31 Mawrth 2004.

### **Diffiniad o daliadau gwasanaethau**

2. Ni fydd y diwygiad a wnaed gan baragraff 7 o Atodlen 9 yn gymwys i gostau a dynnir cyn 31 Mawrth 2004 mewn cysylltiad â materion y codir tâl gwasanaethau ar eu cyfer.

### **Ystyr “management” yn adran 24 o Ddeddf 1987**

3. Ni fydd y diwygiad a wnaed gan baragraff 8 o Atodlen 9 yn gymwys i gais a wneir o dan adran 24 o Ddeddf 1987 cyn 31 Mawrth 2004.

### **Yr hawl i gaffael buddiant y landlord**

4. Ni fydd y diwygiad a wnaed gan baragraff 9 o Atodlen 9 a'r diddymiad yn adran 29 o Ddeddf 1987 yn gymwys i gais a wneir o dan adran 29 o'r Ddeddf honno cyn 31 Mawrth 2004.

### **Hawl tenant i gael archwiliad rheoli**

5. Ni fydd y diwygiadau a wnaed gan baragraff 10 o Atodlen 9 yn gymwys i gais a wneir o dan adran 80 o Ddeddf 1993 cyn 31 Mawrth 2004.

### **Rhwymedigaeth i dalu taliadau gwasanaethau**

6. Ni fydd effaith i'r diwygiad a wnaed gan adran 155 a diddymadau adran 19(2A) i (3) o Ddeddf 1985 ac o adran 83(1) o Ddeddf 1996 mewn perthynas ag —

- (a) unrhyw gais a wneir i TPL o dan adran 19(2A) neu (2B) o Ddeddf 1985; neu
- (b) unrhyw achos sy'n ymwneud â thaliad gwasanaethau a drosglwyddir i TPL gan lys sirol,

cyn 31 Mawrth 2004.

### **Yswiriant**

7. Ni fydd y diwygiadau a wnaed gan baragraffau 8 i 13 o Atodlen 10 a'r diddymadau canlyniadol yn yr

Atodlen i Ddeddf 1985 yn gymwys i gais a wneir o dan yr Atodlen honno cyn 31 Mawrth 2004.

**Taliadau gweinyddol: rhesymoldeb, galwadau ac atebolrwydd i dalu**

8. Ni fydd paragraffau 2 i 5 o Atodlen 11 yn gymwys i dâl gweinyddol a oedd yn daladwy cyn 31 Mawrth 2004.

**Taliadau gweinyddol: penodi rheolwr**

9. Ni fydd y diwygiadau a wnaed gan baragraff 8 o Atodlen 11 yn gymwys i gais a wneir o dan adran 24 o Ddeddf 1987 cyn 31 Mawrth 2004.

**Taliadau o dan gynlluniau rheoli ystadau**

10. Ni fydd Adran 159 yn gymwys i daliad o dan gynllun rheoli ystad a oedd yn daladwy cyn 31 Mawrth 2004.

**Amrywio prydlesi: trosglwyddo awdurdodaeth**

11. Ni chaiff y diwygiadau a wnaed gan adran 163 effaith mewn perthynas â chais a wneir i'r llys o dan Ran 4 o Ddeddf 1897 cyn 31 Mawrth 2004.

**Tir y Goron: amrywio prydlesi**

12. Ni fydd amrywiad unrhyw denantiaeth a wneir gan orchymyn neu yn unol â gorchymyn a wnaed cyn 31 Mawrth 2004 o dan adran 38 o Ddeddf 1987 yn cael ei drin fel un sy'n rhwymo'r Goron, fel rhagflaenydd yn y teitl o dan y denantiaeth, yn rhinwedd adran 39(1) o'r Ddeddf honno.

**Tribiwnlysoedd prisio lesddaliadau**

13. Ni fydd effaith i Adran 175, y diwygiadau a wnaed gan adran 176 ac Atodlen 13 a'r diddymiadau yn Rhan 1 o Atodlen 1 i'r Gorchymyn hwn mewn perthynas ag —

- (a) unrhyw gais a wneir i TPL; neu
- (b) unrhyw achosion a drosglwyddir i TPL gan gyngor sir,

cyn 31 Mawrth 2004.